

本草纲目

全本
之四

〔明〕李时珍 著
冉先德 主编

中国国际广播出版社

4
全本之四

本草纲目

〔明〕李时珍 著

主 编：冉 先 德

中国国际广播出版社

(京)新登字 096 号

书名	本草纲目(全本 1—4 册)
原著	[明]李时珍
主编	冉先德
出版	中国国际广播出版社 (北京复兴门外广播电影电视部内)
发行	新华书店首都发行所
印刷	唐山市胶印厂
开本	787×1092 1/32
印张	105
插页	16
版次	1994 年 8 月第一版
印次	1994 年 8 月第一次印刷
印数	3000 册
书号	ISBN7—5078—1037—2/R·5
定价	86.00 元(共 4 册)

《本草纲目》编校委员会名单

策 划 岳 中 萧 良

主 编 冉先德

副主编 刘 雅 刘泽岩 李玉玲

何风君 钟 强

编 委 (按姓氏笔画为序)

王志军	韦小燕	卢长平	冉先德	申焕珠
庄慧玲	刘 萍	刘泽岩	乔国琦	张祖萍
宋同国	陈 红	陈 晖	陈凤美	何风君
李玉玲	赵军绩	钟 强	徐建平	黄 燕
简 立				

协 编 (按姓氏笔画为序)

于志昂	王 星	王丽滨	刘文彦	刘 弘
陈凤美	陈春华	李海霞	李景升	张伟斌
赵 苍	郝书岑	柳 忠	柴永刚	郭艳梅
姚福梅	高梅莪	温爱英	潘 晶	

本草纲目虫部目录第三十九卷

李时珍曰：蟲乃生物之微者，其类甚繁，故字从三虫会意。按考工记云。外骨、内骨、却行、仄行、连行、纤行，以脰鸣、注（味同）鸣、旁鸣、翼鸣、腹鸣、胸鸣者，谓之小虫之属。其物虽微，不可与麟、凤、龟、龙为伍；然有羽、毛、鳞、介、倮之形，胎、卵、风、湿、化生之异，蠢动含灵，各具性气。录其功，明其毒，故圣人辨之。况蜩、螽、蚁、蚘，可供饷食者，见于礼记；蜈、蚕、蟾、蝎，可供匕剂⁽¹⁾，载在方书。周官有庶氏除毒蛊，剪氏除蠹物，蜎氏去蛙黾，赤芟⁽²⁾氏除墙壁⁽³⁾狸虫（蠹螽之属），壶涿氏除水虫（狐蟻之属）。则圣人之于微琐，罔不致慎。学者可不究夫物理而察其良毒乎？于是集小虫之有功、有害者为虫部，凡一百零六种，分为三类：曰卵生，曰化生，曰湿生。旧本虫鱼部三品，其二百三十六种。今析出鳞、介二部，并入六种，移八种入禽兽、服器部，自有名未用移入六种，木部移入二种。

《神农本草经》二十九种（梁陶弘景注）

《名医别录》一十七种（梁陶弘景注）

《唐本草》一种（唐苏恭）

《本草拾遗》二十四种（唐陈藏器）

《海药本草》一种（唐李珣）

《开宝本草》二种（宋马志）

《图经本草》二种（宋苏颂）

《日华本草》一种（宋人大明）

《证类本草》二种(宋唐慎微)

《本草会编》一种(明汪机)

《本草纲目》二十六种(明李时珍)

[附注]魏李当之《药录》

吴普《本草》

宋雷斅《炮炙》

齐徐之才《药对》

唐甄权《药性》

唐孙思邈《千金》

唐杨损之《删繁》

孟诜《食疗》

南唐陈士良《食性》

蜀韩保昇《重注》

宋掌禹锡《补注》

寇宗奭《衍义》

张元素《珍珠囊》

元李杲《法象》

汪⁽⁴⁾好古《汤液》

朱震亨《补遗》

吴瑞《日用》

明汪颖《食物》

虫之一

卵生类上二十三种

蜂蜜《本经》(灵崔附)⁽⁵⁾

蜜蜡《本经》 蜜蜂《本径》

土蜂《别录》 大黄蜂《别录》

露蜂房《本经》 竹蜂《拾遗》
 赤翅蜂《拾遗》 独脚蜂《拾遗》
 螯螬《本经》(即果蠃)(雄黄虫附)
 虫白蜡《会编》 紫铆《唐本》(即紫哽^[6])
 五倍子《开宝》(百药煎)
 螳螂、桑螵蛸《本经》
 雀瓮《本经》(即天浆子)
 蚕《本经》 原蚕《别录》(即晚蚕)
 石蚕《本经》(云师·雨虎附)
 九香虫《纲目》 海蚕《海药》
 雪蚕《纲目》 枸杞虫《拾遗》
 苾香虫《纲目》

右附方旧六十四^[7]，新二百零五^[8]。

校注：〔1〕剂：据上下文义及与上句相对作“剂者”。〔2〕“茈”：《金陵本》作“祓”，《周礼·秋官》作“发”。〔3〕壁：《周礼·秋官·赤发氏》作“屋”。〔4〕汪：《金陵本》作“王”。〔5〕灵雀附：按灵雀见本书本卷蜂蜜条〔集解〕项下，不似他条另立〔附录〕专项。〔6〕哽：《金陵本》作“梗”。〔7〕六十四：据本卷各条旧附方总数作“七十”。〔8〕据本卷各条新附方总数作“二百零六”。

本草纲目虫部第三十九卷

虫之一(卵生类上二十三种)

蜂蜜《本经上品》

[释名]蜂糖(俗名)生岩石者名石蜜《本经》石飴(同上)

岩蜜 时珍曰:蜜以密成,故谓之蜜。本经原作石蜜,盖以生岩石者为良耳,而诸家反致疑辨。今直题曰蜂蜜,正名也。

[正误]恭曰:土⁽¹⁾蜜出氐、羌中最胜。今关中白蜜,甘美耐久,全胜江南者。陶以未见,故以南土为胜耳。今以水牛乳⁽²⁾沙糖作者,亦名石蜜。此蜜即蜂作,宜去石字。宗奭曰:《嘉祐本草》石蜜有二:一见虫鱼,一见果部。乳糖即曰石蜜,则虫部石蜜,不当言石矣。石字乃白字误耳,故今人尚言白沙蜜。盖新蜜稀而黄,陈蜜白而沙也。藏器曰:岩蜜出南方岩岭间,入药最胜,石蜜宜改为岩字。苏恭是荆襄间人,地无崖险,不知石蜜之胜故也。时珍曰:按《本经》⁽³⁾云:石蜜生诸山石中,色白如膏者良。则是蜜取山石者为胜矣。苏恭不考山石字,同乳糖同名而欲去石字;寇氏不知真蜜有白沙而伪蜜稀黄,但以新久立说,并误矣。凡试蜜以烧红火箸插入,提出起气是真,起烟是伪。

[集解]《别录》曰:石蜜生武都山谷、河源山谷及诸山石间⁽⁴⁾。色白如膏者良。弘景曰:石蜜即崖蜜也,在高山岩石间作之,色青⁽⁵⁾,味小酸⁽⁶⁾,食之心烦,其蜂黑色似虻。其⁽⁷⁾木蜜悬树枝作之,色青白。土蜜在土中作之,色亦青白、味酸。人家及树空作者亦白,而浓厚味美。今出晋安檀崖者多土蜜,云最胜。出东阳临海诸处,及江南向西者多木蜜。出于潜、怀安诸县者多崖蜜。亦有树木及人家养者。诸蜜例多添杂及煎煮,不可入药。必须亲自看取,乃无杂耳。凡蜂作蜜,皆须人小便以酿诸花,乃得和熟,状似作飴须蘖也。藏器曰:寻常蜜亦有木上⁽⁸⁾作者,土中作者。北方地燥,多在土中,南方地湿,多在木中。各随土地所宜,其蜜一也。崖蜜别是一蜂,如陶所说出南方崖岭间,房悬崖上,或土窟中。人不可到,但以长竿刺令蜜出,以物

承取，多者至三四石，味醖色绿，入药胜于凡蜜。《张华博物志》云：南方诸山，幽僻处出蜜蜡。蜜蜡所着，皆绝岩石壁，非攀缘所及。惟于山顶以蓝^⑨舆悬下，遂得采取。蜂去余蜡在石，有鸟如雀，群来啄之殆尽，名曰灵雀。至春蜂归如旧，人亦占护其处，谓之蜜塞。此即石蜜也。颂曰：食蜜亦有两种，一在山林木上作房，一在人家作窠槛收养之，蜜皆浓厚味美。近世宣州有黄连蜜，色黄，味小苦，主目热。雍、洛间有梨花蜜，白如凝脂。亳州太清宫有桧花蜜，色小赤。柘城县有何首乌蜜，色更赤。并蜂采其花作之，各随花性之温凉也。宗奭曰：山蜜多在石中木上，有经一二年者，气味醇厚。人家者，一岁二取，气味不足，故不及，且久收易酸也。时珍曰：陈藏器所谓灵雀者，小鸟也。一名蜜母，黑色。正月则至岩石间寻求安处，群蜂随之也。南方有之。

[修治] 敎曰：凡炼蜜一斤，只得十二两半是数。若火少，大^⑩过，并用不得。时珍曰：凡炼沙蜜，每斤入水四两，银石器内，以桑柴火慢炼，掠去浮沫，至滴水成珠不散乃用，谓之水火炼法。又法，以器盛，置重汤中煮一日，候滴水不散，取用亦佳，且不伤火也。

[气味] 甘，平，无毒。《别录》曰：微温。颖曰：诸蜜气味，当以花为主。冬、夏为上，秋次之，春则易变而酸。闽、广蜜极热，以南方霜雪、诸花多热也。川蜜温，西蜜则凉矣。刘完素曰：蜜成于蜂，蜂寒而蜜温，同质异性也。时珍曰：蜂蜜生凉熟温，不冷不燥，得中和之气，故十二脏腑之病，罔不宜之。但多食亦生湿热虫蠹，小儿尤当戒之。王充论衡云，蜂蛰禀太阳火气而生，故毒在尾。蜜为蜂液，食多则令人毒，不可不知。炼过则无毒矣。宗奭曰：蜜虽无毒，多食亦生诸风也。朱震亨曰：蜜喜入脾。

西北高燥，故人食之有益；东南卑湿，多食则害生于脾也。思邈曰：七月勿食生蜜，令人暴下霍乱。青赤酸⁽¹¹⁾者，食之心烦。不可与生葱、茖苳同食，令人利下。食蜜饱后，不可食鲈，令人暴亡。

〔主治〕心腹邪气，诸惊痫瘕，安五脏诸不足，益气补中，止痛解毒，除众病，和百药。久服，强志轻身，不饥不老，延年神仙⁽¹²⁾《本经》。养脾气，除心烦，饮食不下，止肠澼，肌中疼痛，口疮，明耳目《别录》。牙齿疳齕，唇口疮，目肤赤障，杀虫（藏器）。治卒心痛及赤白痢，水作蜜浆，顿服一碗止；或以姜汁同蜜各一合，水和顿服。常服，面如花红。（甄权）。治心腹血刺痛，及赤白痢，同生地黄汁各一匙服，即下（孟诜）。同薤白捣，涂汤火伤，即时痛止（宗奭）。《肘后》用白蜜涂上，竹膜贴之，日三。和营卫，润脏腑，通三焦，调脾胃（时珍）。

〔发明〕弘景曰：石蜜道家丸饵，莫不须之。仙方亦单⁽¹³⁾服食，云至⁽¹⁴⁾长生不老也。时珍曰：蜂采无毒之花，酿以大⁽¹⁵⁾便而成蜜，所谓臭腐生神奇也。其入药之功有五，清热也，补中也，解毒也，润燥也，止痛也。生则性凉，故能清热；熟则性温，故能补中。甘而和平，故能解毒；柔而濡泽，故能润燥。缓可以去急，故能止心腹、肌肉、疮疡之痛；和可以致中，故能调和百药，而与甘草同功。张仲景治阳明结燥，大便不通，蜜煎导法，诚千古神方也。诜曰：但凡觉有热，四肢不和，即服蜜浆一碗，甚良。又点目中热膜，以家养白蜜为上，木蜜次之，崖蜜更次之也。与姜汁熬炼，治癫甚效。

〔附方〕（旧十三⁽¹⁶⁾，新六）。大便不通：张仲景《伤寒论》云：阳明病，自汗，小便反利，大便硬⁽¹⁷⁾者，津液内竭也，蜜煎导之。用蜜二⁽¹⁸⁾合，铜器中微火煎之，候凝如饴状，至可丸，乘

热捻作挺，令头锐，大如指，长寸半⁽¹⁹⁾许。候冷即硬，纳便道中，少顷即通也。一法，加皂角、细辛(为末)少许，尤速。噫不下食：取崖蜜含，微微咽下《广利方》。产后口渴：用炼过蜜，不计多少，熟水调服，即止《产书》。难产横生：蜂蜜、真麻油各半碗，煎减半服，立下《海上方》。天行虏疮，比岁有病天行斑疮，头面及身，须臾周匝，状如火疮，皆戴白浆，随决随生。下⁽²⁰⁾即疗，数日必死。差后疮瘢黯色⁽²¹⁾，一岁方灭，此恶毒之气。世人云，建武中，南阳击虏所得，仍呼为虏疮。诸医参详疗之：取好蜜通摩疮上，以蜜煎升麻，数七⁽²²⁾拭之(肘后)。痘疹作痒，难忍，抓成疮及疱，欲落不落：百花膏，用上等石蜜，不拘多少，汤和，时时以翎刷之。其疮易落，自无瘢痕《全幼心鉴》。瘾疹痒痒：白蜜不以多少⁽²³⁾，好酒⁽²⁴⁾调下⁽²⁵⁾，有效。⁽²⁶⁾五色丹毒：蜜和干姜末傅之《肘后》。口中生疮：蜜浸大青叶含之《药性论》。阴头生疮：以蜜煎甘草涂之《外台》。肛门生疮：肛门主肺，肺热即肛塞肿缩生疮。白蜜一斤⁽²⁷⁾，猪胆汁一枚相和，微火煎令可丸，丸三寸长作挺，涂油纳下部，卧令后重，须臾通泄(梅师)。热油烧痛：以白蜜涂之(梅师)。疗肿恶毒：用生蜜与隔年葱研膏先刺破涂之。如人行五里许，则疗出，后以热醋汤洗去《济急仙方》。大风癩疮：取白蜜一斤，生姜二斤捣取汁。先秤铜铛斤两，下姜汁于蜜中消之，又秤之，令知斤两。即下蜜于铛中，微火煎令姜汁尽，秤蜜斤两在，即药已成矣。患三十年癩者，平旦服枣许大一丸，一日三服，温酒下⁽²⁸⁾。忌生冷醋滑臭物。功用甚多，不能一一具之《食疗方》。面上黥点：取白蜜和茯苓末涂之，七日便瘥也《孙真人食忌》。目生珠管：以生蜜涂目，仰卧半日，乃可洗之。日一次《肘后方》。误吞铜钱：炼蜜服二升，可出矣《葛氏方》。诸鱼骨鲠：以好蜜稍稍服之令下(葛

氏)。拔白生黑，治年少发白：拔去白发，以白蜜涂毛孔中，即生黑发。不生，取梧桐子捣汁涂上，必生黑者《梅师方》。

校注：〔1〕《证类本草》卷二十石蜜条“士”作“上”。〔2〕《证类本草》卷二十石蜜条有“煎”于此。〔3〕本经：同上作墨字，认为《别录》，据改作《别录》，与下文集解项引《别录》文一致。〔4〕间：同上作“中”。〔5〕同上有“赤”于此。〔6〕酸：同上作“醢”。〔7〕其：同上作“又”。〔8〕上：同上作“中”。〔9〕《证类本草》卷二十石蜜条“蓝”作“篮”。〔10〕大：《证类本草》卷二十石蜜条“大”作“火”。〔11〕《千金》卷二十六第五有“噍”于此。“噍”乃“醢”之借字。〔12〕延年神仙：《证类本草》卷二十石蜜条，此四字均作墨字，认为《别录》文。〔13〕同上有“炼”于此。〔14〕至：同上作“致”。〔15〕大：同上作“小”，与本书本条〔集解〕文一致。〔16〕三：按下旧附方数作“四”。〔17〕哽：《金陵本》作“硬”。〔18〕二：《伤寒论》阳明篇作“七”。〔19〕寸半：同上作“二寸”。〔20〕《肘后》卷二第十三、《外台》卷三及《证类本草》卷二十石蜜条附方“下”作“石”。〔21〕黯色：《肘后》卷二第十三作“紫黑”，《外台》卷三作“紫黯”，《证类本草》卷二十石蜜条附方作“黯”一字。〔22〕七：同上各书均作“数”。《金陵本》作“匕”。〔23〕不以多少：《圣惠方》卷二十四作“一合”。〔24〕酒：同上有“二合”在此后。〔25〕调下：同上作“二味和暖，空心服之”。〔26〕同上补“圣惠方”于此。〔27〕斤：《金陵本》作“升”。《证类本草》卷二十石蜜条附方同。〔28〕《证类本草》卷二十石蜜条“温酒下”作“酒、饮任下”。

蜜腊《本经上品》

〔释名〕弘景曰：生于密中，故谓蜜腊。时珍曰：蜡^{〔1〕}犹鬣也。蜂造蜜蜡^{〔1〕}而皆成鬣也。

[集解]别录曰：蜡生武都山谷蜜庐⁽²⁾木石间。弘景曰：蜂先以此为蜜趺；煎蜜亦得之。初时极香软。人更煮炼，或少加醋酒，便黄赤，以作褐⁽³⁾色为好。今医家皆用白蜡，但取削之，于夏月暴百日许，自然白也。卒用之，烱内水中十余遍，亦白。宗奭曰：新腊色白，随久则黄。白腊乃蜡之精英者也。时珍曰：蜡乃蜜脾底也。取蜜后炼过，滤入水中，候凝取之，色黄者俗名黄腊，煎炼极净色白者为白蜡，非新则白而久则黄也。与今时所用虫造白腊不同。

[气味]甘，微温，无毒。之才曰：恶芫花、齐蛤

[主治]蜜蜡：主下痢脓血，补中，续绝伤金疮，益气，不饥，耐老《本经》，权曰：和松脂、杏仁、枣肉、茯苓等分合成，食后服五十丸，便不饥。颂曰：古人荒岁多食蜡以度饥，但合大枣咀嚼，即易烂也。白腊：疗人⁽⁴⁾泄瀉后重见白脓，补绝伤，利小儿。久服，轻身不饥《别录》。孕妇胎动，不血不绝，欲死。以鸡子大，煎三五沸，投美酒半升服，立瘥。又主白发，镊去，消蜡点孔中，即生黑者（甄权）。

[发明]时珍曰：蜜成于蜡，而万物之至味，莫甘于蜜，莫淡于蜡，得非厚于此必薄于彼耶？蜜之气味俱厚，属平阴也，故养脾；蜡之气味俱薄，属乎秋⁽⁵⁾也，故养胃。厚者味甘，而性缓质柔，故润脏腑；薄者味淡，而性啬质坚，故止泄痢。张仲景治痢有调气饮，《千金方》治痢有胶蜡汤，其效甚捷，盖有见于此欤？又华佗治老少下痢，食入即吐。用白蜡方寸匕，鸡子黄一个，石蜜、苦酒、发灰、黄连末，各半鸡子壳。先煎蜜、蜡、苦酒、鸡子四味令匀，乃纳连、发，熬至可丸乃止。二月服尽，神效无比也。此方用之，屡经效验，乃知《本经》主下痢脓血之言，深当膺服也。

[附方]（旧十八⁽⁶⁾新十五⁽⁷⁾）。仲景调气饮⁽⁸⁾：治赤白痢，

小腹^[9]痛不可忍，下重，或^[10]面青手足俱变者。用黄腊三钱^[11]，阿胶三钱^[12]，同熔化，入黄连末五钱^[13]，搅匀，分三次热服，神妙《金匱^[14]》。千金胶腊汤：治热痢，及妇人产后下痢。用蜡二棋子大，阿胶二钱，当归二钱半，黄连三钱，黄檗一钱，陈廩米半升，水三钟^[15]，煮米至一升，去米入药，煎至一钟，温服神效《千金方》。急心疼痛：用黄蜡灯上烧化，丸芡子大，百草霜为衣。井水下三丸。肺虚咳嗽：立效丸，治肺虚隔^[16]热，咳嗽气急烦满，咽干燥渴，欲饮冷水，体倦肌瘦，发热减食，喉音嘶不出。黄蜡（熔滤令净，浆水煮过）八两，再化作一百二十丸，以蛤粉四两为衣养药。每服一丸，胡桃半个，细嚼温水下，即卧，闭口不语，日二《普济方》。肝虚雀目：黄蜡不俱^[17]多少，熔汁取出，入蛤粉相和得所。每用刀子切下二钱，以猪肝二两批开，掺药在内，麻绳扎定。水一碗，同入铫子内煮熟，取出乘热蒸眼。至温，并肝食之，日二，以平安为度。其效如神《集验方》。头风掣疼：湖南押衙颜思退传方，用蜡二斤，盐半斤相和，于镬罗中熔令相入，捏作一兜鍪，势可合脑大小。空^[18]头至额，其痛立止也《经验方》。脚上转筋：刘禹锡续^[19]传信方，用蜡半斤销之，涂旧绢帛上，随患大小阔狭，乘热缠脚，须当脚心，便着袜裹之，冷即易。仍贴两手心《图经》。暴风身冷，暴风，通身水冷^[20]如瘫痪者：用上方法，随所患大小阔狭摊贴，并裹手足心。风毒惊悸：同上方法。破伤风湿，如疰者：以黄蜡一块，热酒化开服，立效。与玉真散对用，尤妙《瑞竹堂方》。代指疼痛：以蜡、松胶相和，火炙笼指，即瘥《千金翼^[21]》。脚上冻疮：浓煎黄蜡涂之（姚和众）。狐尿刺人，肿痛：用热蜡着疮，并烟熏之，令汁出即愈《时后方》。犬咬疮发：以蜡炙熔，灌入疮中《葛氏方》。蛇毒螫伤：以竹筒合疮上，熔蜡灌之，效《徐玉^[22]方》。汤

火伤疮，焮赤疼痛，毒腐成脓：用此拔热毒，止疼痛，敛疮口。用麻油四两，当归一两，煎焦去滓。入黄蜡一两，搅化放冷，摊帛贴之，神效《医林集要》。赚胫烂疮：用桃、柳、槐、椿、楝五枝，同荆芥煎汤，洗拭净。以生黄蜡摊油纸上，随疮大小贴十层，以帛拴定。三日一洗，除去一层不用，一月痊愈《医林集要》。妊娠胎漏：黄蜡一两^[23]，老酒一碗^[24]，熔化热服，顷刻即止^[25]。呃逆不止：黄蜡烧烟熏，二三次即止《医林摘要》。霍乱吐利：蜡一弹丸，热酒一升化服，即止《肘后方》。诸般疮毒，赚疮、金疮、汤火等疮：用黄蜡一两，香油二两，黄丹半两，同化开，顿冷，瓶收。摊贴《王仲勉经验》^[26]》。

校注：〔1〕蠟：“蜡”之繁体字。〔2〕《证类本草》卷二十蜜腊条“庐”作“房”。〔3〕《金陵本》及《证类本草》卷二十蜜腊条“褐”均作“烛”。〔4〕《千金翼》卷四及《证类本草》卷二十蜜蜡条“人”作“久”。〔5〕秋：《金陵本》作“阡”，乃“阳”之异体字，今据作“阳”可以与上文“属阴”相对。〔6〕十八：按下旧附方数作“十一”。〔7〕十五：按下新附方数为“十”五。〔8〕《证类本草》卷十六阿胶条图经引《续传信方》“饮”证作“方”。〔9〕同上阿胶条引张仲景调气方有“病”于此。〔10〕或：同上作“痛闷，每发”。〔11〕黄蜡三钱：同上作“蜡如弹子大”。〔12〕阿胶三钱：同上作“好胶手许大，碎”。〔13〕入黄连末五钱：同上作“即下黄连（一两，去毛）末”。〔14〕金匱：因检《金匱》未见此方。方见《证类本草》卷十六阿胶条图经引《续传信方》著张仲景调气方，因作“续传信方”。〔15〕《千金》卷三第六胶蜡汤及《千金翼》卷七第六阿胶汤“钟”作“升”。〔16〕隔：《金陵本》作“膈”，与《普济方》卷一六〇同。〔17〕俱：《证类本草》卷二十蜜蜡条附方作“以”。〔18〕空：同上作“搭”。〔19〕续：同上石蜜条无此字。〔20〕水冷：

张绍棠《味古斋本》作“冰冷”。〔21〕千金翼：《金陵本》及《证类本草》同，《大观本草》卷二十蜜蜡条附方作《千金方》。查二书均未见到此方。《普济方》卷三百引此方，注曰：“出本草”。〔22〕《肘后》卷七第五十六引徐王治蛇毒方改“玉”作“王”。〔23〕黄蜡一两：《证类本草》卷二十蜜蜡条作“以蜡如鸡子大”。〔24〕老酒一碗：同上作“美酒半升”。〔25〕同上补有“《药性论》”于此。〔26〕《金陵本》有“方”于此，与本书卷一引据医家书目合。

蜜蜂《本经上品》

〔释名〕蜡蜂《纲目》蜚 时珍曰：蜂尾垂蜂，故谓之蜂。蜂有礼范，故谓之蜚。《礼记》云：范则冠而蝉有绥。化书云：蜂有君臣之礼。是矣。

〔集解〕《别录》曰：蜂子生武都山谷。颂曰：今处处有之，即蜜蜂子也。在蜜脾中，如蚕蛹而白色。岭南人取头足未成者，油炒食之。时珍曰：蜂子，即蜜蜂子未成时白蛹也。《礼记》有雀、鸚、蜩、范，皆以供食，则自古食之矣。其蜂有三种，一种在林木或土穴中作房，为野蜂；一种人家以器收养者，为家蜂，并小而微黄，蜜皆浓美；一种在山岩高峻处作房，即石蜜也，其蜂黑色似牛虻。三种皆群居有王。王大于众蜂，而色青苍。皆一日两衙，应潮上下。凡蜂之雄者尾锐，雌者尾歧，相交则黄退。嗅花则以须代鼻，采花则以股报之。按《王元之蜂记》云：蜂王无毒。窠之始营，必造一台，大如桃李。王居台上，生子于中。王之子尽复为王，岁分其族而去。其分也，或铺如扇，或圆如罍，拥其王而去。王之所在，蜂不敢螫。若失其王，则众溃而死。其酿蜜如脾，谓之蜜脾。凡取其蜜不可多，多则蜂饥而不蕃；又不可少，少则蜂惰而不作。呜呼！王之无毒，似君德也。营巢

如台，似建国也。子复为王，似分定也。拥王而行，似卫主也。王所不整，似遵法也。王失则溃，守义节也。取惟得中，似什一而税也。山人贪其利，恐其分而刺其子，不仁甚也。

蜂子〔气味〕甘，平、微寒，无毒。大明曰：凉，有毒。食之者须以冬瓜、苦荚，生姜、紫苏制其毒。之才曰：畏黄芩、芍药、牡蛎、白前。

〔主治〕头风^{〔1〕}，除蛊毒，补虚羸伤中。久服令人光泽，好颜色，不老《本经》。弘景曰：酒渍傅面，令人悦白。轻身益气，治心腹痛，面目黄，大人小儿腹中五虫从口吐出者《别录》。主丹毒风疹，腹内留热，利大小便涩，去浮血，下乳汁，妇人带下病（藏器）。大风痲疾（时珍）。

〔发明〕时珍曰：蜂子古人以充饌品，故《本经》、《别录》著其功效，而《圣济总录》治大风疾，兼用诸蜂子，盖亦足阳明、太阴之药也。

〔附方〕（新一。）大风痲疾（须眉堕落，皮肉已烂成疮者）：用蜜蜂子、胡蜂子、黄蜂了（并炒）各一分，白花蛇、乌蛇（并酒浸，去皮、骨，炙干）、全蝎（去土，炒）、白姜^{〔2〕}蚕（炒）各一两，地龙（去土，炒）半两，蝎虎（全者，炒）、赤足蜈蚣（全者，炒）各十五枚，丹砂一两，雄黄（醋熬）一分，龙脑半钱，右为末。每服一钱匕，温蜜汤调下，日三五服《总录》。

校注：〔1〕《千金翼》卷四及《证类本草》卷二十蜂子条“头痲”作“风头”。〔2〕姜：《圣济总录》卷十八白花蛇散作“僵”。

土蜂《别录》 〔校正〕旧与蜜蜂子同条，今分出。

〔释名〕蜚零《本经》螳蜂（音蟬^{〔1〕}）马蜂。颂曰：郭璞注尔雅云，今江东呼大蜂在地中作房者为土蜂，即马蜂也。荆、巴间呼为螳蜂。